

光緒分水縣志卷五

典禮志

治民事神首在乎禮禮所以辨等威明齒讓理幽明也其在方志無著作之權凡所謂秩祀羣祀與夫登降揖讓之節由舊而已然苟習其事而求其義豈僅奉成法備掌故哉是在好學深思者能自得之爾志典禮

慶賀

萬壽節及元旦長至知縣率僚屬具朝服五鼓詣慶雲寺序立丹墀下班定詣

龍牌前行三跪九叩首禮畢分東西班坐朝畢回署

開讀

光緒分水縣志

卷五

典禮

一

詔旨至知縣穿朝服率僚屬具龍亭儀仗鼓樂跪迎於郊外清香菴前導至縣堂設香案具庭燎行三跪九叩首禮詣受詔位跪受

詔平身捧

詔詣露臺授禮生開讀眾官跪聽畢復行三跪九叩首禮

蒞任

先期致齋於城隍廟屆期穿公服詣本治祭門換朝服謝恩拜印畢易服升堂受謁與僚屬乃署公移次日謁

文廟集諸生講書越日閱城

祭祀

文廟每春秋仲月上丁日致祭先一日知縣公服至

文廟殿前揖詣領牲所領牲畢揖回署祭日正殿陳牛一羊一豕一四配各陳羊一豕一兩序各陳羊一豕一兩廡各陳東西廡各陳羊一豕一子夜先祭崇聖祠行二跪六叩首禮飲福不用樂餘同正殿讀祝曰維年月日某官致祭於肇聖王裕聖王詒聖王昌聖王啟聖王曰惟王奕葉鍾祥光開聖緒盛德之後積久彌昌凡聖教所覃敷率循源而溯本宜肅明禋之典用申守土之忱茲屆某仲聿修祀事配以先賢顏氏先賢曾氏先賢孔氏先賢孟氏尚饗是日昧爽鼓初嚴徧然庭燎焚香鼓再嚴執事者各序立鼓三嚴引贊引各官至戟門下立通贊贊司事者各司其事陪祭官就位承祭官就位

位瘞毛血迎神堂下樂作舞興行三跪九叩首禮畢奠帛行初獻禮引贊引承祭官詣盥洗所司事者酌水進巾詣酒尊所司尊者舉爵酌酒詣至聖先師孔子神位前跪獻帛初獻爵叩首興平身詣復聖顏子神位前跪獻帛初獻爵叩首興平身詣宗聖曾子神位前跪獻帛初獻爵叩首興平身詣述聖子思子神位前跪獻帛初獻爵叩首興平身詣亞聖孟子神位前跪獻帛初獻爵叩首興平身復位讀祝文引贊引承祭官詣讀祝位跪眾官皆跪讀祝曰維年月日某官致祭於

至聖先師孔子曰惟先師德隆千古道冠百王揭日月以常行自生民所未有屬文教昌明之會正禮和樂節之時辟雍

鐘鼓咸格薦於馨香泮水膠庠益致嚴於籩豆茲當某仲祇
率彝章肅展微忱聿將祀典以復聖顏子宗聖曾子述聖子
思子亞聖孟子配尙饗讀畢叩首興平身復位承祭官行亞
獻禮儀如初分獻官行分獻禮兩序引贊各引分獻官詣十
二哲位前跪奠帛獻爵又詣兩廡先賢先儒位前跪奠帛獻
爵畢各復位行終獻禮儀如初飲福受胙引贊引承祭官詣
飲福受胙位跪飲福酒受福胙叩首興平身復位徹饌送神
行三跪九叩首禮畢司帛者捧帛司爵者捧爵讀祝者捧祝
各詣燎所望燎禮成而退

樂舞節次凡十有三節將祭鼓初嚴樂舞生由左右掖門入
班 大成門內階下北上司麾者一人居首次歌工東西各

光緒分水縣志

卷五

典禮

三

三人次琴工三人次瑟工二人次笙三人次洞簫笛各三人
次壎一人次篪二人次排簫一人次特縣一人次編縣一人
次應鼓一人次祝敔一人次搏拊一人次司旌者一人引文
舞生一十八人東西共九十人麾旌匏竹羽籥各秉其器拱
立以俟鼓三嚴絕鳴轉班鼓初一節司麾者引樂舞諸生對
進初二節趨兩階側初三節抵露臺兩隅下再一節進至階
再二節升下成階再三節轉趨上成階中一節升上成階中
二節折向南行中三節抵露臺上兩隅對轉趨午階末一節
抵午階上夾午階各轉向北行末二節過樂縣各折向東西
行末三節過琴瑟復轉向北行終節麾就位樂生旌生舞生
皆就位三成終司旌者引文舞生稍進分向東西復折而南

繞搏拊後對轉就樂縣南對拱立如原修禮畢鐘聲絕轉班鼓復作初一節司麾者司旌者各釋其器司麾者引樂生以次退位初二節至琴瑟北對轉向內循琴瑟行初三節各轉向南再一節過樂縣至舞生南各轉向外趨兩隅再二節分抵兩隅各折向北行司旌者引文舞生除退踵樂生後北行再三節至於階中一節降上成階匏竹羽籥至此各釋其器中二節轉至下成階中三節降下成階末一節抵露臺兩隅下末二節夾露臺外隅轉過兩廡末三節抵大成門階下終節出左右掖門退班畢

昭平之章

大哉孔子先覺先知與天地參萬世之師祥徵麟紱韻答金

光緒分水縣志

卷五

典禮

四

絲日月旣揭乾坤清夷

宣平之章

予懷明德玉振金聲生民未有展也大成俎豆千古春秋上丁清酒旣載其香始升

秩平之章

式禮莫愆升堂再獻響協鼗鏞誠孚疊獻肅肅雝雝譽髦斯彥禮陶樂淑相觀而善

叙平之章

自古在昔先民有作皮弁祭菜於論思樂惟天牖民惟聖時若彝倫攸叙至今木鐸

懿平之章

先師有言祭則受福四海黌宮疇敢不肅禮成告徹毋疏毋瀆樂所自生中原有菽

德平之章

鳧繹峩峩洙泗洋洋景行行止流澤無疆聿昭祀事祀事孔明化我蒸民育我膠庠

儒學土地祠丁祭畢陳羊一豕一教官公服承祭迎神送神行一跪三叩禮奠帛三獻爵讀祝曰維年月日某官致祭於土地之神曰惟神境土之司黌宮之輔默佐文昌地靈而傑士輩出陰啟光範形勝而道脈流長山嶽萃其精英人文由之生色今茲仲月謹以牲俎祇薦於神尙饗

名宦祠同日以羊一豕一致祭儀注同土地祠讀祝曰維年

光緒分水縣志

卷五

典禮

五

月日某官致祭於名宦之靈曰惟神司牧此土善政民安棠陰未伐祀典普將予忝繼蒞仰止流光用申蒸奠式燕以嘗尙饗

鄉賢祠同日以羊一豕一致祭儀注同名宦祠讀祝曰維年月日某官致祭於鄉賢之靈曰於維先生分庠羣哲綱維是持德業維傑爲子盡孝爲臣盡忠千載一日懷懷高風爲斯世勸明禋肅雍執事有恪神罔時恫尙饗

忠義祠春秋仲月釋奠次日以羊一豕一致祭儀注同名宦鄉賢祠讀祝曰維年月日某官致祭於忠義之靈曰惟靈稟賦貞純躬行篤實忠誠奮發貫金石而不渝義聞宣昭表閭閻而其式祇事懋彝倫之大性摯莪蒿允恭仰天顯之親情

深棣萼楷模咸推夫懿德 恩綸特闡其幽光祠宇維隆歲
時式祀用陳尊簋來格几筵尙饗

節孝祠春秋仲月諏吉以羊一豕一致祭儀注同忠義祠讀
祝曰維年月日某官致祭於節孝之靈曰惟靈純心皎潔令
德柔嘉矢志完貞全閨中之亮節竭誠致敬彰閩內之芳型
茹冰蘖而彌堅清操自勵奉盤匱而匪懈篤孝傳徽 絲綸
特沛乎殊恩祠宇垂昭於台典祇循歲事式薦尊醪尙饗

關帝廟雍正三年奉文每歲春秋仲月頒期并五月十三日
致祭先一日知縣公服至

關帝廟殿前揖詣領牲所領牲畢揖回署祭日正殿陳牛一
羊一豕一子夜先祭後殿行二跪六叩禮飲福不用樂餘同

光緒分水縣志

卷五

典禮

六

正殿讀祝日維年月日某官致祭於

關帝之曾祖光昭公祖裕昌公父成忠公曰惟公世澤貽庥
靈源積慶德能昌後篤生神武之英善則歸親宜享尊崇之
報列上公之封爵錫命優隆合三世以肇禋典章明備恭逢
諏吉祇事薦馨尙饗是日昧爽鼓初嚴然庭燎焚香鼓再嚴
執事者各序立鼓三嚴引贊引各官至墀下立通贊贊司事
者各司其事陪祭官就位承祭官就位瘞毛血迎神樂作行
三跪九叩首禮畢奠帛行初獻禮引贊引承祭官詣盥洗所
司事者酌水進巾詣酒尊所司尊者舉爵酌酒詣

關帝神位前跪獻帛初獻爵叩首興平身復位讀祝文引贊
引承祭官詣讀祝位跪眾官皆跪讀祝日維年月日某官致

祭於忠義神武靈佑仁勇關聖大帝之神曰惟神浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異跡顯佑羣生恭值良辰遵行祀典筵陳籩豆几薦牲牢尚饗讀畢叩首興平身復位行亞獻禮儀如初行終獻禮儀如初飲福受胙引贊引承祭官詣飲福受胙位跪飲福酒受福胙叩首興平身復位徹饌送神行三跪九叩首禮畢司帛者捧帛司爵者捧爵讀祝者捧祝各詣燎所望燎禮成而退

文昌廟嘉慶六年奉文每歲以二月初三日及仲秋月頒期致祭先一日知縣公服至

光緒分水縣志

卷五

典禮

七

文昌廟殿前揖詣領牲所領牲畢揖回署祭日正殿陳牛一羊一豕一後殿陳羊一豕一子夜先祭後殿行二跪六叩首禮飲福不用樂餘同正殿讀祝曰維年月日某官致祭於文昌帝君先代之神曰祭有先河之義禮崇反本之思矧夫世德彌光延賞及世祥鍾累代炯列宿之精靈化被千秋偉人文之主宰是尊後殿用答前庥茲值仲某肅將時事用申告潔神其格歆尚饗是日昧爽鼓初嚴然庭燎焚香鼓再嚴執事者各序立鼓三嚴引贊引各官至墀下立通贊贊司事者各司其事陪祭官就位承祭官就位瘞毛血迎神樂作行三跪九叩首禮畢奠帛行初獻禮引贊引承祭官詣盥洗所司事者酌水進巾詣酒尊所司尊者舉爵酌酒詣

文昌帝君神位前跪獻帛初獻爵叩首與平身復位讀祝文引贊引承祭官詣讀祝位跪眾官皆跪讀祝曰維年月日某官致祭於

文昌帝君之神曰惟神迹著西垣樞環北極六匡麗曜協昌運之光華累代垂靈爲人文之主宰扶正久彰夫感召薦馨宜致其尊崇茲屆仲某用昭時祀尙其歆格薦此精虔尙饗讀畢叩首與平身復位行亞獻禮儀如初行終獻禮儀如初飲福受胙引贊引承祭官詣飲福受胙位跪飲福酒受福胙叩首與平身復位徹饌送神行三跪九叩首禮畢司帛者捧帛司爵者捧爵讀祝者捧祝各詣燎所望燎禮成而退

社稷壇每歲春秋仲月上戊日致祭陳羊一豕一質明各官

光緒分水縣志

卷五

典禮

八

朝服咸集瘞毛血迎神行三跪九叩首禮畢奠帛行初獻禮引贊引承祭官詣盥洗所司事者酌水進巾詣酒尊所司尊者舉爵酌酒詣

社神神位前跪獻帛初獻爵叩首與平身詣

稷神神位前跪獻帛初獻爵叩首與平身復位讀祝文引贊引承祭官詣讀祝位跪眾官皆跪讀祝曰維年月日某官致祭於社稷之神曰惟神奠安九野粒食萬邦分五土以表封圻育三農而蕃稼穡恭承守土肅展明禋時屆仲某謹修祀典庶九九松柏鞶磐石於無疆翼翼黍苗佐神倉於不匱尙饗讀畢叩首與平身復位行亞獻禮儀如初行終獻禮儀如初飲福受胙引贊引承祭官詣飲福受胙位跪飲福酒受福

昨叩首與平身復位徹饌送神行三跪九叩首禮畢司帛者捧帛司爵者捧爵讀祝者捧祝恭送瘞所望瘞禮畢

神祇壇每歲春秋仲月頒期致祭陳羊一豕一質明各官朝服咸集瘞毛血迎神行三跪九叩首禮畢奠帛行初獻禮引贊引承祭官詣盥洗所司事者酌水進巾詣酒尊所司尊者舉爵酌酒詣雲雨風雷神位前跪獻帛初獻爵叩首與詣境內山川神位前跪獻帛初獻爵叩首與詣本縣城隍神位前跪獻帛初獻爵叩首與平身復位讀祝文引贊引承祭官詣讀祝位跪眾官皆跪讀祝曰維年月日某官致祭於雲雨風雷山川城隍之神曰惟神贊襄天澤福佑蒼黎佐靈化以流行生成永賴乘氣機而鼓盪溫肅攸宜磅礴高深常表安貞

光緒分水縣志

卷五

典禮

九

之吉憑依鞏固實資捍禦之功幸民俗之殷盈仰神明之芘護恭修歲事正值良辰敬潔豆籩祇陳牲幣尚饗讀畢叩首與平身復位行亞獻禮儀如初行終獻禮儀如初飲福受胙引贊引承祭官詣飲福受胙位跪飲福酒受福胙叩首與平身復位徹饌送神行三跪九叩首禮畢司帛者捧帛司爵者捧爵讀祝者捧祝恭送瘞所望瘞禮畢

先農壇每歲季春亥日致祭陳羊一豕一質明各官朝服咸集瘞毛血迎神行三跪九叩首禮畢奠帛行初獻禮引贊引承祭官詣盥洗所司事者酌水進巾詣酒尊所司尊者舉爵酌酒詣先農神位前跪獻帛初獻爵叩首與平身復位讀祝文引贊引承祭官詣讀祝位跪眾官皆跪讀祝曰維年月日

某官致祭於先農之神曰惟神肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘民勞謹奉彝章聿修祀事惟願五風十雨嘉祥恒沐於神庥庶幾九穗雙歧上瑞頻書夫大有尙饗讀畢叩首興平身復位行亞獻禮儀如初行終獻禮儀如初飲福受胙引贊引承祭官詣飲福受胙位跪飲福酒受福胙叩首興平身復位徹饌送神行三跪九叩首禮畢司帛者捧帛司爵者捧爵讀祝者捧祝恭送瘞所望瘞禮畢各官易蟒服詣藉田行耕藉禮知縣秉耒老農播種牧人牽牛耕夫扶犁九推九返耕夫終畝乃率耆老望

光緒分水縣志

卷五

典禮

十

闕行三跪九叩首禮而退

雩祭每歲季夏頒期行常雩禮如祭先農壇儀

邑厲壇每歲清明七月望十月朔致祭厲壇先期知縣詣城隍廟座前行二跪六叩首禮畢焚牒至期送城隍神於壇南面左右設境內無祀鬼神位城隍座前陳羊一俎豕一俎壇左右各陳羊一豕一迎神行二跪六叩首禮初獻爵亞獻爵終獻爵叩首興平身詣讀祝位讀祝曰維年月日某官爲祭祝本縣無祀鬼神事欽奉

皇帝聖旨普天之下后土之上無不有人無不有鬼神人鬼之道幽明雖殊其理則一故天下之廣兆民之眾必立君以主之君總其大又設官分職於各府州縣以長治之各府州

縣又於每一百戶內設一里長以綱領之上下之職紀綱不紊此治人之法如此天子祭天地神祇及天下山川各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尙念冥冥之中無祀鬼神昔爲生民未知何故而歿其間有遭兵刃而橫傷者有死於水火盜賊者有被人取財而逼死者有被人強奪妻妾而殺死者有遭刑禍而負屈死者有天災流行而疫死者有爲猛獸毒蛇所患者有爲飢餓凍餒死者有爲戰鬪而殞身者有因危急而自縊者有因墻壁傾頽而壓死者有死後無子孫者此等鬼魂或終於前代或沒於後世或兵戈擾攘流移於他鄉或人烟斷絕久缺其祭祀姓名泯滅於一時祀

典無聞而不載此等孤魂死無所依精魄未散結爲陰靈或依草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其慘淒故敕天下有司依時享祭在京都有泰厲之祭在王國有國厲之祭在各府州有郡厲之祭在各縣有邑厲之祭在一里有鄉厲之祭期於神依人而血食人敬神而知禮乃命本處城隍以主此祭欽奉如此今某等不敢有違謹設壇於城北以某日置備牲醴羹飯專祭本縣闔境無祀鬼神等眾靈其不昧來享此祭尙饗送神行二跪六叩首禮畢奉城隍還廟典史安神

呂祖祠嘉慶十年奉文於春秋仲月初四日致祭祭品用蔬

果行二跪六叩首禮

鞭春

每歲立春前一日知縣具朝服率僚屬迎春於東郊詣芒神前行二跪六叩首禮執事者舉壺酌酒授長官酌地復行二跪六叩首禮畢同各官飲春酒演劇昇芒神土牛鼓樂前導眾官隨後迎至公署奉芒神於儀門東土牛在西眾官詣芒神前揖安神次日按立春時刻鞭春知縣具服朝服率僚屬詣芒神前行二跪六叩首禮初獻爵亞獻爵終獻爵叩首興復位又行二跪六叩首禮畢至午前揖各執綵鞭擊土牛三匝禮畢回署

救護

光緒分水縣志

卷五

典禮

三

日食豫行僚屬屆時設香案於縣治露臺金鼓列儀門樂列臺下拜位列露臺上下俱嚮日至期陰陽官報日初虧文武官俱素服行三跪九叩首禮畢執事奉鼓詣班首官擊鼓三眾鼓齊鳴食甚行禮如初復圓易朝服行禮如初月食禮同

祈禱

歲旱潦印官率僚屬齋戒步禱雲雨風雷山川壇及城隍廟日二次旱甚詣紫龍山龍王廟迎聖水設壇虔禱并遍禱羣廟

講約

每月朔望知縣率僚屬約正集紳耆人等於講約所所久廢今於明倫宣講堂

聖諭廣訓又於里中推素行醇謹通曉文義之人爲約正值月遍講一週

送學

歲科試取進文武諸生既揭案知縣會同儒學諏吉送學至期諸生公服齊集縣堂知縣出簪花遞酒諸生捧爵南向酌地揖知縣升座諸生行四拜禮知縣拱答諸生出儀門乘騎鼓樂前導知縣隨後乘轎送入黌宮率諸生謁

廟行三跪九叩首禮畢詣明倫堂教官在東知縣在西行送學禮四拜教官轉西知縣轉東又行四拜禮知縣命諸生謁見教官行四拜禮諸生謝知縣又行四拜禮知縣回署諸生由龍門歸

光緒分水縣志

卷五

典禮

三

賓興

每科鄉試前擇期延科舉生員至期設宴縣堂儀門外設月橋結綵棚插桂枝諸生公服至知縣率僚屬迎於堂檐下行禮畢就席知縣主席僚屬席東向諸生席西向酒三行演劇畢諸生起揖辭行鼓樂前導知縣率僚屬送至儀門外揖別武場亦如之

鄉飲

每歲正月十五日十月初一日於儒學行禮遴訪紳士之年高德劭者敦請一人爲大賓士人中舉一人爲介賓耆庶中舉數人爲眾賓至僕賓乃鄉人爲卿大夫來助主人樂眾賓或來或不來有則備無則闕知縣爲主人教官一人爲司正

主揚觶以罰失儀者司爵二人贊禮一人引禮一人讀律一人並以生員充前一日執事者於明倫堂陳設坐次監禮席於庭東北向賓席於堂西北南向主人席於堂東南南向介席於堂西南東向眾賓之長三人席於賓西南向東上皆專席不屬眾賓席於西序東向僚佐席於東序西向皆北上司正席於主人之東北向設律令案於主介間正中又設尊案一於東序端司正豫率執事習禮樂部和聲署設樂於西階下至日黎明執事者宰牲具饌監禮主人及僚屬司正先詣學遣人速賓介以下比至主人率僚屬出迎於庠門外揖賓介眾賓皆答揖賓入介眾賓從入主居東賓居西贊禮者立階前贊揖主及賓三揖三讓而後升堂東西相向立贊兩拜

交拜畢賓卽席乃延介一讓升介升拜如賓禮介卽席乃延眾賓以次皆升主人揖皆答揖卽席主人率僚佐皆卽席咸坐贊司正揚觶執事者引司正由西階升詣堂中北向立贊起立賓介以下皆立贊揖司正賓介以下皆揖執事者以觶酌酒授司正司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉黨無或廢墜以忝所生讀畢贊司正飲酒飲畢以觶授執事贊揖司正揖賓介以下皆揖司正復位賓介以下皆坐贊讀律令執事者舉律令案於堂之中引禮引讀律令者詣案前北面立賓介以下皆立行揖禮聽讀律令凡國家律令參酌事情輕重定立罪名

頒行天下永爲遵守百司官吏預要熟讀講明律意剖決事
務若有不能解讀不曉律意者初犯罰俸錢一月再犯答四
十三犯於本衙門遞降叙用其百工技藝諸色人等有能熟
讀講解通曉律意者若犯過失及因人連累致罪不分輕重
並免一次其事干謀反叛逆者不用此律若官吏人等挾詐
欺公妄生異議擅爲更改變亂成法者斬讀畢復位贊供饌
執事者舉饌案至賓前次介次主三賓以下各以次設贊獻
賓主起北面立執事斟酒以授主主受爵詣賓前置於席少
退贊兩拜賓答拜訖主退復位贊賓酢酒賓起介從執事者
斟酒授賓賓受爵詣主前置於席少退贊兩拜賓主交拜訖
賓退復位主人起獻介介酢主人如前儀乃各就席坐執事
者詣三賓眾賓以下以次斟酒於席訖贊飲酒酒三行贊奏
樂工升歌周詩鹿鳴之章卒歌南陔閒歌魚麗乃合樂歌關
雎工告樂備出執事者行酒主賓以下飲無算爵贊賓介主
以下皆興主僚屬居東賓介三賓眾賓居西贊兩拜賓主介
拜訖贊送賓賓介眾賓主人以次下堂分東西行出席門一
揖退監禮者出主人送禮畢乃皆退

乾隆二年議准嗣後鄉飲酒禮坐次悉依定序并先刊刻儀
注分給賓僎執事人等遵照行禮應讀律令卽開載於儀注
之後令讀者照例講讀其在省會令督撫派委大員監禮各
府州縣亦令該地方官實心奉行有違條越禮者依律懲治
又鄉飲之典重在賓僎得人方可以示觀感而興教化若該

地方官徇情濫舉固屬不職乃亦有實係齒德兼優之人而一種不肖之徒於未舉之先設計需索及行舉之後又復索瘢求疵聲言冒濫希圖訛詐以致地方官亦多瞻顧每不舉行致曠 大典應令該督撫通行嚴飭嗣後所舉賓僎務擇齒德兼優之人如地方官濫舉題參議處倘所舉得人而不法之徒或有藉端阻撓者嚴行究治十八年議准各省舉行鄉飲事應令各省督撫轉飭所屬每歲遵照定例於正月十月舉行兩次其賓介之數有大賓介賓一賓二賓三賓眾賓與大僎一僎二僎三僎之名嗣後應令州縣先期詳報督撫覈定舉行仍將所舉賓介造具姓名籍貫清冊送部存案二十五年議准嗣後直省舉報鄉飲責成布政司覈實報明督責